

青山集卷第五

當塗郭

祥正字功父

長句古詩三十首

送梅直講

聖俞

清風吹天雲霧開仙人騎馬天上來吟出人間見所
不可見常娥織女爲之生嫌猜織女斷鵲橋常娥閉
月窟從茲不放仙人迴一落人間五十有四載唯將
文字傾金壘李白佯狂古來少騎鯨鬣飛泐泗杜
甫問評今何如應爲怪極罹天災公平至寶勿盡吐
吐盡吾恐黃河水決崑崙摧天穿地漏補不得女媧

之力何可裁長安酒價不苦貴風月但惜多塵埃醒
來強更飲百盞酣酣愚智寧論哉

送索殿丞

世弼

與君六年別愁見雲開露明月樽中有酒雖獨傾萬
古情懷共誰說思君彈瑤琴琴聲為君咽孤鴻高飛
不可攀北風一送何時還欲問鯉魚更難得江頭白
浪高於山尺書彼此絕令人腸百結昨日聞君來我
心如鑿龍門開拂拭囊中白玉璞請君辨之為磨琢
感君酬價過南山即見名聲搖海岳烹羊買酒邀吳
姬今朝會合明朝離莫嗟兩鬢白雪滿請看舞袖紅
雲飛雲飛酒闌君遂起篙子催行趁潮水君行汲汲
過西山手植松篁春正美我亦歸青山白雲相伴閑
若駕鸞鳳赴瑤闕先到臨川與君別

送錢賢良

醇老

去年六月梓山裏與子披襟弄泉水高談直出堯舜
前長林為我清風起金船滿滿傾醇醪吳娥玉指拈
櫻桃君令勸我盡百盞肝腸但覺翻江濤醉來騎白
鹿大笑還青山倏忽歲月往思君鬢成班今朝邂逅
蕪江頭論心握手忘離憂暫時會合復言別安得彈
劍從之遊我聞紫微薦君策男兒事業豈易得金門

慎勿閑經過為奏天下弊穴如蜂窠

送章秘書

表民

君心抱太古不肯屈世人匹馬遍朔方揚帆出天津
九疑連天洞庭闊長歌愁殺蒼梧神更將美酒弔楚屈
離騷繼作疑前身兩姬不洒望夫淚一笑岳陽樓上
春丈夫得意且為樂百年變化隨埃塵如何南還過
我別却言北去朝天闕上書力訴元兄冤洗眼看君
成一節勸君事直還收身速返東南弄白雲功名汲
汲竟何益韓彭取笑武陵人

送楊主簿

次公

浪花卷雪秋風起開帆日行三百里問君此去安所
之佐邑南城風俗羨夫君才業真雄奇四十青衫能
養卑世無孔子禮樂壞君獨勇起勤扶持書成未遇
聊自哂暫向南城為吏隱閑入麻源傾酒卮仙家好
景無忙時瀑絹千丈掛蒼壁玉華萬柄搖清池常娥
東來渡銀漢面面瑩徹皆瑠璃謝公秀句發天籟顏
守老筆蟠蛟螭高風凜凜尚可揖鳥聲不斷哀猿啼
嗟予學道苦不早壯歲形容已枯槁聞說名山心即
飛一生願向山中老愛君逸興何由攀飄如孤鶴遺
塵寰若見麻姑與王遠寄我一粒黃金丹

送耿少府

天騰

白沙岸上相逢時困倚欄干醉似泥忽然聽君誦新
作酒面頓覺寒風吹今朝邂逅蕪江埃大軸蒙貺東
城詩雷驚電掣露怪變山崩海瀉能扶持令人壯觀
不知已倦翼欲接青雲飛逸駕固當出塵滓胡爲一
命東南馳洞庭波瀾洗天吼衡嶽葱蒼掛南斗窮幽
歷險詩魂醒不倦青衫困趨走屈原賈誼杜子美白
骨荒丘今在否歎騎瘦馬一弔之滿眼斜陽入疎柳
詩成寄我慎勿遲側望陽春活殘朽暫時離異何足
論醪酌江樓一樽酒

送徐長官

仲元

徐夫子能談經不學俗儒事章句白首役役勞骸形
我嘗洗耳聽其說寒泉漱玉聲瓏玲十年茅塞一朝
拔四體自豫神安寧交游得君已恨晚歷陽幾日同
醉醒新詩百韻忽贈我滿紙落落排明星使我目睛
眩又若遭雷霆自愧久滅沒安足煩褻稱李翰林杜
工部格新句老無今古我驅弱力謾繼之發詞寄興
良辛苦幾欲攀天門擊天鼓女媧有志終難補低頭
帖耳逐駑駘倒着青衫走塵土東風吹破江頭春綠
楊紅杏能笑人狂來且盡一壺酒世無賀老誰相親

君今別我又遠適錦帆千丈迷空碧飄然去意凌崑
崙自古雄豪少知識我亦從今不復言靜看澄江浸
寒壁

送李節推 獻父

昨對桃花與君別共唱離人眼中血今見桃花君復
來似與東風趁時節北去南還何日休書生道路多
窮愁安得巨航滿載酒一帆風過蓬萊洲

送李察推 公擇

去年遇君陵陽峯杜鵑聲亂桃花紅佳人玉指按玉
板勸我一醉三百鍾醉來騎鯨赴瑤闕不記當時與

君別溪上扁舟破雪歸樓前芳草還春發白頭太守
重相過開樽大笑呼瓊娥向來十客七已去唯與杜
九聞清歌歌聲繞梁離思苦聽不得終淚如雨回首
茫茫天地中聚散百年能幾許今朝此地重相逢秋
漢無雲江月空把酒與君須醉倒已知後會皆衰翁
陵陽樂事那復得官賤食貧身愈迫擊劍高吟非故
鄉何時共作滄浪客

送姚太博 彥聖

春風動地吹春去行人不肯江邊住片帆朝掛暮千
里煙霧蒼茫宿何處夫君少年日射策明光宮同時

得意三百輩上林曾醉桃花紅十餘年間事超忽幾
在青雲幾白骨君雖未甚榮亦足有餘樂存心不負
聖與賢何須盡影凌煙閣潯陽城頭北樓壯邂逅相
逢觀暝漲魚龍奔走勢莫分却憶當年兵火愁殺人
至今戰場無綠草冤魂夜哭寒蟾老臨風瀝酒一吊
之而我浮生何足道聊爲君行歌數聲青山截斷江
流平晴雲相對似能舞野鳥好語如吹笙却送閑愁
付滄海身雖離異心無改若到蓬萊王母家爲攀桃
樹遙相待

送陳屯田知明州

屈指宛陵客八九名世賢我亦駕白鹿往往登俊筵
昭亭自作老龍鬪壘嶂不礙明河躔餘霞散綺入高
閣澄江似練拖晴天黃金買酒不論價壯心共許青
春前丞相初爲部使者精選邑治君尤先業聞上書
後薦達玉陛引對親承宣付之一節使淮濟三十二
縣刑無寬嗟予末路最流落哭兒清淚雙眸穿感君
不棄半面雅取之涸轍投深淵稍回生意漸奮發遽
復捨我搖歸船明朝勅拜四明守四明山水君所憐
奈何歲旱天下歉豈容醉卧滄溟邊我疑帝命養頭
角乘春霹靂驚蟄眠白蘋風靜湖月滿謾弔賀公

懷謫仙

送劉繼鄴秀才之岳陽訪木尉

群鳥栖霜羽毛縮孤鴈冥飛何處宿蘆花慘白天無
聲靈妃鼓徹瀟湘曲此時歸夢尋故鄉誰道行人鬢
長綠平生所得惟悲歌時命未遇君如何滿懷策畫
獻不售鳳凰飄泊無嘉禾困鱗不借一盃水異時安
用西江波岳陽高樓掛星斗樓中子真聞舊友請舒
和氣邀陽春便釀重湖作濃酒山葉撩亂舞山鳥縱
橫啼古人交道貴終始樂酣醉倒君莫疑否極泰來
不可測豈有壯士長捷遲豈有壯士長捷遲青雲歧路

看橫飛

送吳龍圖帥真定

仲庶

讀書曾不學腐儒腐骨爛舌腸焦枯又不學一詩一
賦輕薄子屑屑場屋名聲沾西州治邑克肖古今尹
險欲臨水投神巫政成召來御史府彈駁庸相請賜
雷霆誅姦邪縮手不敢更侮祖宗法又薦處士博士
登石渠富財治水各稱任乃仗斧鉞臨湘湖興學首
教士子弟作碑後弔屈大夫明年易節帥瀛莫鐵甲
百萬秋防胡公曰承平勿誇武解藏弓劍寬民租詩
筒交迎兩朝使鐫金刻玉論歡愉深沉不動若山嶽

青山集三十卷

宋郭祥正撰

宋刻本

十冊

續

17234

A159

青山集卷第五

當塗郭

祥正字功父

長句古詩三十首

送梅直講 聖俞

清風吹天雲霧開仙人騎馬天上來吟出人間見所
不可見常娥織女爲之生嫌猜織女斷鵲橋常娥閉
月窟從茲不放仙人迴一落人間五十有四載唯將
文字傾金壘李白佯狂古來少騎鯨鬪鬪飛汾泗杜
甫問評今何如應爲怪極罹天災公乎至寶勿盡吐
吐盡吾恐黃河水決崑崙摧天穿地漏補不得女媧

之力何可裁長安酒價不苦貴風月但惜多塵埃醒
來強更飲百盞酣酣愚智寧論哉

送袁殿丞

世弼

與君六年別愁見雲開露明月樽中有酒雖獨傾萬
古情懷共誰說思君彈瑤琴琴聲爲君咽孤鴻高飛
不可攀北風一送何時還欲問鯉魚更難得江頭白
浪高於山尺書彼此絕令人腸百結昨日聞君來我
心如鑿龍門開拂拭囊中白玉璞請君辨之爲磨琢
感君酬價過南山即見名聲搖海岳烹羊買酒邀吳
姬今朝會合明朝離莫嗟兩鬢白雪滿請看舞袖紅
雲飛雲飛酒闌君遂起篙子催行趁潮水君行汲汲
過西山手植松篁春正美我亦歸青山白雲相伴閑
若駕鸞鳳赴瑤闕先到臨川與君別

送錢賢良

醇老

去年六月梓山裏與子披襟弄泉水高談直出堯舜
前長林爲我清風起金船滿滿傾醇醪吳娥玉指拈
櫻桃君令勸我盡百琖肝腸但覺翻江濤醉來騎白
鹿大笑還青山倏忽歲月往思君鬢成班今朝邂逅
蕪江頭論心握手忘離憂暫時會合復言別安得彈
劍從之遊我聞紫微薦君策男兒事業豈易得金門

慎勿閑經過為奏天下弊穴如蜂窠

送章秘書

表民

君心抱太古不肯屈世人匹馬遍朔方揚帆出天津
九疑連天洞庭闊長歌愁殺蒼梧神更將美酒弔楚屈
離騷繼作疑前身兩姬不洒望夫淚一笑岳陽樓上
春丈夫得意且為樂百年變化隨埃塵如何南還過
我別却言北去朝天闕上書力訴元兄冤洗眼看君
成一節勸君事直還收身速返東南弄白雲功名汲
汲竟何益韓彭取笑武陵人

送楊主簿

次公

浪花卷雪秋風起開帆日行三百里問君此去安所
之佐邑南城風俗羨夫君才業真雄奇四十青衫能
養卑世無孔子禮樂壞君獨勇起勤扶持書成未遇
聊自哂暫向南城為吏隱閑入麻源傾酒卮仙家好
景無忙時瀑絹千丈掛蒼壁玉華萬柄搖清池常娥
東來渡銀漢面面瑩徹皆瑠璃謝公秀句發天籟顏
守老筆蟠蛟螭高風凜凜尚可揖鳥聲不斷哀猿啼
嗟予學道苦不早壯歲形容已枯槁聞說名山心即
飛一生願向山中老愛君逸興何由攀飄如孤鶴遺
塵寰若見麻姑與王遠寄我一粒黃金丹

送耿少府

天隲

白沙岸上相逢時，困倚欄干醉似泥。忽然聽君誦新作，酒面頓覺寒風吹。今朝邂逅蕪江埃，大軸蒙貺東城詩。雷驚電掣露怪變，山崩海瀉能扶持。令人壯觀不知已，倦翼欲接青雲飛。逸駕固當出塵滓，胡爲一命東南馳。洞庭波瀾洗天吼，衡嶽葱蒼掛南斗。窮幽歷險詩魂醒，不倦青衫困趨走。屈原賈誼杜子美，白骨荒丘今在否。歎騎瘦馬一弔之，滿眼斜陽入疎柳。詩成寄我慎勿遲，側望陽春活殘朽。暫時離異何足論，酌酊江樓一樽酒。

送徐長官

仲元

徐夫子能談經，不學俗儒事章句。白首役役勞骸形，我嘗洗耳聽其說。寒泉漱玉聲瓏玲，十年茅塞一朝拔。四體自豫神安寧，交游得君已恨晚。歷陽幾日同醉醒，新詩百韻忽贈我。滿紙落落排明星，使我目睛眩又若。遭雷霆自愧，久滅沒安足煩。褒稱李翰林，杜工部格新句老無今古。我驅弱力謾繼之，發詞寄興良辛苦。幾欲攀天門，擊天鼓。女媧有志終難補，低頭怙耳逐駑駘。倒着青衫走塵土，東風吹破江頭春。綠楊紅杏能笑人，狂來且盡一壺酒。世無賀老誰相親。

君今別我又遠適錦帆千丈迷空碧飄然去意凌崑
崙自古雄豪少知識我亦從今不復言靜看澄江浸
寒壁

送李節推 獻父

昨對桃花與君別共唱離人眼中血今見桃花君復
來似與東風趁時節北去南還何日休書生道路多
窮愁安得巨航滿載酒一帆風過蓬萊洲

送李察推 公擇

去年遇君陵陽峯杜鵑聲亂桃花紅佳人玉指按玉
板勸我一醉三百鍾醉來騎鯨赴瑤闕不記當時與

君別溪上扁舟破雪歸樓前芳草還春發白頭太守
重相過開樽大笑呼瓊娥向來十客七已去唯與杜
九聞清歌歌聲繞梁離思苦聽不得終淚如雨回首
茫茫天地中聚散百年能幾許今朝此地重相逢秋
漢無雲江月空把酒與君須醉倒已知後會皆衰翁
陵陽樂事那復得官賤食貧身愈迫擊劍高吟非故
鄉何時共作滄浪客

送姚太博 彥聖

春風動地吹春去行人不肯江邊住片帆朝掛暮千
里煙霧蒼茫宿何處夫君少年日射策明光宮同時

得意三百輩上林曾醉桃花紅十餘年間事超忽幾
在青雲幾白骨君雖未甚榮亦足有餘樂存心不負
聖與賢何須盡影凌煙閣潯陽城頭北樓壯邂逅相
逢觀暝漲魚龍奔走勢莫分却憶當年兵火愁殺人
至今戰場無綠草冤魂夜哭寒蟾老臨風漉酒一帛
之而我浮生何足道聊爲君行歌數聲青山截斷江
流平晴雲相對似能舞野鳥好語如吹笙却送閑愁
付滄海身雖離異心無改若到蓬萊王母家爲攀桃
樹遙相待

送陳屯田知明州

屈指宛陵客八九名世賢我亦駕白鹿往往登俊筵
昭亭自作老龍鬪壘嶂不礙明河躔餘霞散綺入高
閣澄江似練拖晴天黃金買酒不論價壯心共許青
春前丞相初爲部使者精選邑治君尤先業聞上書
後薦達玉陛引對親承宣付之一節使淮潁三十二
縣刑無寬嗟予末路最流落哭兒清淚雙眸穿感君
不棄半面雅取之涸轍投深淵稍回生意漸奮發遽
復捨我搖歸船明朝勅拜四明守四明山水君所憐
奈何歲旱天下歉豈容醉卧滄溟邊我疑帝命養頭
角乘春霹靂驚蟄眠白蘋風靜湖月滿謾弔賀公

懷謫仙

送劉繼鄴秀才之岳陽訪木尉

群鳥栖霜羽毛縮孤鴈冥飛何處宿蘆花慘白天無
聲靈妃鼓徹瀟湘曲此時歸夢尋故鄉誰道行人鬢
長綠平生所得惟悲歌時命未遇君如何滿懷策畫
獻不售鳳凰飄泊無嘉禾困鱗不借一盃水異時安
用西江波岳陽高樓掛星斗樓中子真聞舊友請舒
和氣邀陽春便釀重湖作濃酒山葉撩亂舞山鳥縱
橫啼古人交道貴終始樂酣醉倒君莫疑否極泰來
不可測豈有壯士長棲遲豈有壯士長棲遲青雲歧路

看橫飛

送吳龍圖帥真定

仲庶

讀書曾不學腐儒腐脣爛舌腸焦枯又不學一詩一
賦輕薄子屑屑場屋名聲沾西州治邑克肖古今尹
險欲臨水投神巫政成召來御史府彈駁庸相請賜
雷霆誅姦邪縮手不敢更侮祖宗法又薦處士博士
登石渠富財治水各稱任乃仗斧鉞臨湘湖興學首
教士子弟作碑後弔屈大夫明年易節帥瀛莫鐵甲
百萬秋防胡公曰承平勿誇武解藏弓劍寬民租詩
筒交迎兩朝使鐫金刻玉論歡愉深沉不動若山嶽

節制似公誰可俱少年天子聖慮遠却顧南國成荒
墟拜公學士往綏撫曾未暮月富民大姓爭來居秦
淮橋傾滯行邁頃刻指畫窮精麓斬材壘岸役兵校
一物不向民間須月光激水夜景午長虹矯矯當通
衢又思昔人政事美盡求形像堂中圖二十二人最
豪傑森森玉樹臨冰壺前題姓名後書贊文章髣髴
窺典謨昨朝除命下金闕再佩將印嚴邊樞南民遮
道留不得老幼挽纜相携扶願言早入天朝作丞相
調燮水旱蘇寰區功成異日保身退西江秋風熟鱸
魚斲尾黃雀更珍絕白糯釀美傾醅醅醅一飲三

百盞琵琶啄木喚舞姝舞姝十八如明珠石榴裙蟬
翼裾舞徹輕汗潭香膚桃花帶露燕脂濡綵衣班班
羅鳳鷄問公此樂世有無此樂世有無何必更訪蓬萊山上神仙都
送朱王二秀才歸江西

冰霜凍海海水黑雲霧崩騰大空塞飢猿哀啼虎嘯
嘯高鴻折翅鷹斂翮苦寒大苦吾正愁二子胡爲干
里客自言失意西南歸十斛明珠已空擲廬山摩天
瀑布雄請把肝腸洗愁寂

送沈司理赴闕改官

捕寇治獄皆有聞才力縱橫真出群薦書交上三歲

滿王陛引對瞻吾君宵中策畫爛星斗筆寫紙上虬
龍奔完創補弊有捷理此時歧路擎青雲霄問誰
作霖雨願洗邊城血中土和氣油然熟禾黍天下蒸
黎免窮苦男兒事業當致主我獨沉溝亦無語離亭
愁懷安可數春風自在花飛舞船尾插旗轟鞞畫鼓捺
被青山遮別浦

送方奉議倅保德

彥德

太行積雪三千尺渾河連天厚冰塞天台詞人
不畏寒携家直赴并州北越羅蜀錦置筐箱狼帽
氊裘付妻息邊城雖道無戰塵塞草從來少春色
馬上題詩

泣鬼神何時歸奏平戎策我欲爲書叩相閣喚取斯
人侍君側

送王主簿棄官歸建昌

老着青衫羞望舶自笑風船禁不得拂衣高詠歸去
來我有麻原三畝宅朝食太陽茹紫芝時時更作方
平客肯嗟垂橐少黃金兒孫只用傳清白

送陳大夫罷太平守還臺

去年秋暮送東玉今歲春殘送子儀人生不老安可
得况復年年傷別離請說湓江初識面已知磊落曾
中奇桐鄉之會愈相樂是時解印予言歸公乘扁舟

過溪口躬勤訪我論新詩君章下車始命客邀公與
 我同遨嬉開懷醉倒信莫逆十年一夢音塵稀忽聞
 公來守吾土餘生幸獲仁賢依政成無擾威惠浹白
 駒馳隙臨瓜期梨花奪月爛銀白鱠盤縷玉江魚肥
 酒傾碧盞盞嘗滿曲度晴雲雲不飛車輪未許生四
 角且願逆風東北吹留連更盡一壺酒無使醒淚沾
 行衣十科應詔公第一出入省寺非公誰欲陪後會
 定何許咄嗟自此分雲泥

峨嵋亭即席再送

是歲賞花釣魚之宴

長江奔來一山裂兩岸崔嵬聳雙闕石人空老薜蘿

衣夜夜孤猿嘯寒月斯亭誰作名峨嵋鬢翠含愁惜
 離別浮生後會難再得况復相看頭雪白停盃執手
 聊逡巡盡鼓銅鉦莫催客客行西望紫皇家紫皇真
 人駕龍車海若驅鯨上金鈞玉女挾春糝寶花千官
 稱觴祝天壽簫韶九成奉肴酒青霄闊步隨鸞鸞肯
 向江頭戀楊柳柳花飛春日遲登峨嵋芳送君歸

留別宣城李節推

獻父

君作宣城幕下吏我嘗築室青山址三四相逢五六
 年交情淡若秋江水水流到海無窮時吾輩論文無
 衰期明主可結亦未晚謝安四十功非遲低頭感事

復太息汲汲功名亦何益君不見屈原言直沉湘水
韓信功高亦誅死窮達無過七十年事業空存一張
紙不如飲酒臨春風溪水綠淨山花紅金絲玉管亂
兩耳一醉三百瑠璃鍾醉來辭君登海槎四方上下
皆吾家

投別發運張職方

仲舉

蕭蕭乾葉欲辭柯曉來更奈嚴霜何明知飄泊不得
已請君試聽離人歌生平學盡經濟策宗工大匠親
琢磨三入長安獻不售困鱗悵望西江波感君聊借
一盃水六月炎蒸免枯死高談雄辨爲我傾古恨今

憂對君洗賣薪給家妻子羞淮陰胯下未封侯故人
騎龍不相助子陵自欲追巢由拔山力盡真可傷江
湖安得重相忘恩酬必報乃壯士如今孰是韓張良
玉手纖纖把金盃更聽新聲碎瑤板醉鄉酩酊萬事
休功名難成歲華晚噫吁噫秋風已老白雲飛鄉關
咫尺未能歸倚瑟而歌悲帝子南山遙望淚沾衣願
君聞此頗矜惻許借長帆還澤國他日堯階薦姓名
投老猶能奉鞭策

酬吳著作

子正

醉乘黃犢窮山河倏然遂向桃源過桃花盡處見城

郭萬家訢訢聞絃歌主人喜掃溪上榻笑我鬢髮塵
埃多旋呼瓊液注玉罍麟孫出拜能吟哦使令勸我
須醉倒不知與世爲誰何醒來忽別未十日敢期佳
句傳靈波千言不落一字俗凜凜秋風吹太阿大才
小用小有補牛羊茁壯餘無他何時赴詔玉京去萬
物待子能調和

康王洞呈同遊訥禪師

康王洞口無塵埃青山斲巖水迢迢飛橋百尺渡天
險下聽谷響如奔雷凭欄要識物外物沈寥寥兮何
有哉但見東阜聳樓閣碧瓦鱗鱗而崔嵬虹電披猖
雨新歌金雲點綴芙蓉開斜陽踈光照不入異景萬
變誰能裁仙家遺象已可愛是時况與禪宗來瞳人
照耀骨森竦皎如皓月凌寒梅險句卷起谷簾水真
珠萬斛收蒼崖猿不能啼鳥無語巨石枯木爲之摧
達即善用用即妙斯遊何異登蓬萊回頭碌碌利名
士日盡日朽令人哀

酬李推官淮上見寄

霜寒水落平沙露短艇悠悠尋泊處鷺絃旅鴈失群
飛貪餌脩鱗隨網去世情翻覆可沾巾三千食客背
田文不須更待年華老便向東山卧白雲

南雄除夜讀老杜集至歲云暮矣多北風
之句感時撫事命爲題篇

歲云暮矣多北風怒嗥萬里吹鷲鴻只今我亦在行
旅陟彼庾嶺臨蒼穹霜寒不復瘴霧黑酒賤頗得樽
罍紅鼓角看看變新律燭淚璀璨隨殘冬一階寄祿
百無補白髮又送年華終鬼章雖獲萬國賀防邊未
可旌旗空中原將帥誰第一願如衛霍皆成功廟堂
赫赫用耆舊熟講仁義安羗戎我甘海隅食蚌蛤飽
眎兩邑調租庸嗚呼不獨夔子之國杜陵翁牙齒半
落尤耳聾

廣州越王臺呈蔣帥待制

番禺城北越王臺登臨下瞰何壯哉三城連環鐵爲
瓮睥睨百世無傾摧蕃坊翠塔卓椽華欲蘸河漢濡
煙煤滄溟忽見颶風作雪山崩倒隨鷲雷有時一碧
停萬里洗濯日月光明開屯門鉦鐃雜大鼓船舶接
尾天南回斛量珠璣若市米檐束犀象如肩柴越王
胡爲易馴服陸生辯與秦儀借當時貢物競何有漢
家宮殿今蒿萊邦人每逢二月二熙熙載酒傾城來元
戎廣宴命賓客即時海若收風靈群心愈喜召和氣百
伎盡入呈優俳樂聲珊珊送妙舞春色盎盎浮樽罍

鬼奴金盤獻羊角薺薇餅水傾諸懷嗟余老鈍已茅
塞坐眎珠履慚追陪青蠅何知附驥尾伯樂底事矜
駑駘番禺雖盛公豈愛亭亭自是巖廊材千年故事
寫長句指畫造化回枯芟昌黎氣焰遂伍縮瓦礫未
足當瓊瑰仙姿勸公莫妄想元鼎久待調益梅

蒲澗奉呈蔣帥待制

菖蒲澗底生九節流水遂作菖蒲香安期服之已仙
去漫脫雙鳥留秦皇秦皇殺伐自無度年齒社稷何
由長蓬萊畢竟不可見十祠千載聊相望散髮追之
又無迹後來詭譎傳崔郎至今正月二十五城北夾

道珠簾張元戎要賓鉅大鼓老蠻獻饌燒肥羊傾城
盡作蒲澗飲美俗眷戀神仙鄉穿雲絲竹度別浦遶
山金翠明殘陽我乘欸段到已晚越臺僅得叅壺觴
公携大句使我讀冰澌戛齒清琅琅張侯繼作亦精
敏蘭芷相倚傳芬芳却尋陳事考僭迹死佗稱帝鑑
稱王基山控海恃遠嶮大明一出旋消亡豈如戴主
劾臣節白骨雖朽忠名彰只今神孫太母聖天下擊
壤歌時康佳期不邀墓中鬼樂民之樂真循良勒詞
蒼崖告萬古蒲澗之會無滯荒

石屏臺致酒呈蔣帥待制

石屏臺下玉池水遶岸石屏青齒齒鑄劍初自人力成一石十牛車不起輦置應須費萬金園囿森羅供宴喜蒼蘚昏埋歲月遠脩藤纏絡根相倚劉錕族氏已無餘此物猶存舊基址曾經戰鼓轟雷霆屢對春風閱羅綺老榕交陰不透日客袂生寒冰雪洗小橋斷處棧梯連一綫崎嶇劣容跬未知深窟藏龍虵但見枯荷閣螻蟻摩挲題字考前人名姓班班少竒偉請公椽筆賦大篇歌頌永平誅僭擬光焰須令萬丈長一時行樂何足紀

朝漢臺寄呈蔣帥待制

鹿入望夷秦欲滅真劍先流白蛇血尉佗椎髻尔何爲漫占海隅蛟蜃穴祝融之符天下歸豈假陸生三寸舌千金裝索未爲多更上高臺拜堯闕至今人說朝漢臺不知此地藏蒿萊使君好事一登賞譬君古鑿初磨開香爐煙生石門曉三山翠擁浮丘來風松自作笙簫響暮霞却捲旌旗回長空無礙鳥無跡人事寧須問今昔瓊漿且泛琉璃船滿眼夕陽留不得登臺何似登金門爛吐文章侍君側願公歸作老姚崇莫學江東窮李白

青山集卷第五

青山集卷第六

當塗郭

祥正字功父

雜題古詩三十首

白玉笙

白玉笙咸通十三年琢成琢成匠人十指秃進奉明
堂聲妙曲當時應賜恩澤家流傳至煜煜好奢高堂
日日聽吹笙不知國內非和平仁兵萬衆一旦至國
破蒼黃笙墮地雖然訛缺未苦多却落人間爲寶器
管長纖纖剝筍束况值吳姬指如玉不見排星換掩
時自然天韻來相續昔時禍亂曲今日太平歌興云

不繫白玉笙但看君王政若何

金熨斗

金熨斗酌醇酒熨開萬斛之愁腸贈爾千年之眉壽
酣酣笑臉坐生春安用逢人嗟白首

翠碧盃

翠碧盃滿酌正是桃花開一年三百六十日幾人待
得春歸來春歸來不飲酒翠碧之盃爾何有

魏王臺

金城東百赤高臺臨遠空長江浩蕩劔門險欲平吳
蜀難為功誰傾黃金建佛廟擊鼓撞鍾夜還曉香厨

供辦老僧閑玉欄花謝遊人少我來獨立想英雄戰
艦連雲氣槩中猶有斯臺存舊址可憐銅雀起悲風

藏舟浦

金城北荒荒野水連雲白島嶼相望一徑通遠堤楊
柳迷春色天下三分血戰秋張遼鑿浦暗藏舟吳蜀
雖亡晉已起山川自結寒煙愁承平只作尋春處關
門鑱斷春歸路畫舫載酒歌白紵不忍醒時送春去

悲陽春

悲陽春陽春可樂胡為悲桃花枝上開未足數片已
逐狂風吹陽春能來不能久年少看花今白首擊毬

馳馬力已疲欲傍樽壘先怕酒佳人如皓月願我猶
衰蓬相倚不相似兩心何可同請折竝帶花更看鴛
鴦鳥容華與毛羽相鮮乃為好揮手謝佳人浩歌悲
陽春陽春易衰歇尔白豈長新

江上遊

我乘逸興浮扁舟楊花渡江飛滿頭河豚初熟鱗魚
爛借問春光須少留人間乍聽黃金鳥物外誰憐白
雪鷗但願滄波化為酒青山兩岸皆糟丘人生快意
天地小登覽何必須瀛洲漁歌聲斷自起舞酩酊更
看江月流

望夫石

杜鵑啼血春林碧妾有離愁異今昔上盡高山第一
峯目亂魂飛化為石化為石可奈何淚懸白露衣薜
蘿千古萬古望夫恨一江秋水寒蟾多漢家天子點
征役良人荷戈歸不得此身未老將何從不似山頭
化為石

兩山間

江南南山連北山蒼藤翠木水潺潺水深藤老木拱
矣不知遊子何時還白雲孤飛歲華晚獨鶴一聲星
斗殘兩山秀色手可攬嗟我不得山中閑

蓮根有長絲

蓮根有長絲不供貧女機
柳梢有飛綿不煖寒者衣
朝歌悠悠暮歌短下地沉沉上天遠
東生白日還西流志士長懷萬古愁

朝出青閨裏

朝出青閨裏白汲井華水井水如磨銅
妾面似芙蓉照影返自嘆淨洗鉛華濃
郎騎白馬玉關去令人繡被冷春風
春風欲盡來何遲蚕蛾散子鴉哺兒寫得
短書無寄處幽恨填膺淚如雨

墨染絲

縲絲自喜如霜白輸入官家吏嫌黑
手持退印競傳呼倏見長條深深墨
墨絲歸織家人衣別買輸官吏
嗔遲寄言夷狄與三軍汝得豐衣民苦辛

苦雨行

陰風黑塞雲漫漫虛空晝夜騰波瀾
群龍淫怒煩神官銀河源源來未乾
日月暗行天豈安地下萬物泥潦沈
角鷹快鷁摧羽翰小魚爲鳳蛙爲鸞
君子有憂心盤盤欲上問天造化端
蒼天無路不可干哀歌空屋聲何酸

曉晴歌

霜風刮刮侵人膚宿雲卷卷歸江湖天開碧幕萬里
鋪飛出東來三足烏羽毛渾丹光焰敷地下萬物凍
以舒我今踴躍行樵蘇白粳可糴酒可沽烏為母吾
為鵝致我之暖令我之舖嗟不能報烏區區

麟州嘆

邊兵不覺西人至麟州倉卒城門閉城中帶甲僅防
城城外生靈任凋斃元戎底事不防秋千里郊原戰
血流謾說知兵范僕射未免君王西顧憂

雲月歌

白雲微散月華生月下白雲和月明白雲猶解背人

去明月只知隨我行我行不停月未落心期白雲出
寥廓披雲揖月邀嫦娥願携素手濯銀河

月下聽吟雲月歌歌聲寥亮舞婆娑勸君一酌千萬
壽今宵雲月情偏多不知雲月誰為主愁看月落雲
飛去願如明月有圓時不學白雲無定處

勸酒二首呈袁世弼

湛湛酒杯綠酣酣炭爐紅佳人放玉板拂鏡照芙蓉
四海無波瀾吾曹方宴閑大笑凌白日高吟動南山
百歲能幾何會少別離多少年嗟賈誼壯士憶廉頗
不如醉魂魄冠巾任傾側冥然逍遙鄉杳與塵寰隔

陰雲蔽白日長風卷蘄濤江上崢嶸百恠嗥挽君舩
纜勸君住且飲百琰之醇醪吳姬笑臉如櫻桃鯉魚
紅絲落霜刀醉來不識天爲高共君攀天跨鯨鼉下
眎萬物皆勞勞

牡丹吟

三月金張啓仙館百種名花此尤罕昭君曉怯胡地
寒太真晝卧華清暖夢爲莊叟蝴蝶狂散作襄王雲
雨短莫笑空山芝與蘭冷豔不隨金剪斷

左真觀

逸士騎魚入滄海石壇遺跡今猶在桂煙散景夜寥

寥玉露凝華春璀璨重來舊隱經幾年挈笠携鋤姓
名改主人不識何當留墨灑梁塵爛星彩

事見本
觀刻石

雜言寄耿天隲

耿夫子聞懸車齒清髮紺殊未老璨璨滿腹懷明珠
耻隨黃雀啄官粟矯翼直與冥鴻俱東城之下言還
舊廬田有秫稻池有嘉魚林有美木圃有青蔬笑傲
樽俎俯仰琴書與其折譽以群辱孰若潔身而自娛
予將蹴滔天之高浪跨橫海之長鯨攬午夜之明月
邀逸駕於赤城酌王母之瓊液獻商皓之玉觥於是
揮手景駐長嘯風生投冠纓於下土化鱗鬣於北溟也

琅琊行

琅琊異他山坡陀晦諸峯惟有山水其源與天通
尋源見樓閣鴛瓦青重重寶鏡遞華燈空巖散疎鐘
薰成香積界回首非塵籠陽冰俗篆未足數禹偁八
詠元無功我來獨酌惜已晚醉倒不見歐陽公摩挲
蒼崖讀舊記誰制手玉索纏蛟龍不憂石泐解磨滅斯
文自與元氣同徘徊落日跨馬去老松爲我搖悲風

交難

馬蕭蕭車輕輕道上行人半相識識面雖多心友難
滄海可量人莫測君不見張陳昔日刎頸交臨陣變
弓返相射又不見坐中耳語程將軍背罵一錢猶不
直噫吁噉休休休猿鳥可爲伴麋鹿可與遊春日晴
暉暉春風思悠悠春泉滑涓涓春林碧柔柔行止任
所適歌嘯忘吾憂逢人輒掩口語發多爲讎

楊白花 二首

池水滿宮柳長胡地沙晴日色黃自知憔悴容華改
朝來臨鏡懶梳粧却尋携手舊遊處拾得落花空
斷腸

秋風起黃葉飛宮門深鎖日還西背人一去音書斷
塞鴈無情亦解歸此恨此愁無處託暗塵消盡縷

金衣

靈芝宮

曾子固傳王平父事

靈芝宮乃在滄海之上白雲之中樓閣縹緲金間碧玉花露濕香隨風寒光長瑩別有月笙簫間作春冲融來時不記夢中路覺後唯聞長樂鍾神仙誰云與世隔暫遊復返精誠通倏然物化豈真往舉杯鬢鬚聲傳空蓬萊異館信非妄羅池廟食今猶豐仕途機穽了可畏天地雖廣身不容低催至死寄僧榻曠達一念超樊籠揮毫不似人間世想見光焰如長虹

圓山謠

廟食圓山忘歲年自言耽酒未能還身披羽衣手提藥時時混迹來人間七言四句又奇絕固非俗士能追攀蓬萊却在漳水上黿頭突起滄波環長蘿秀木鏤春色石泉自瀉秋聲潺伊予來漳四十日始造秘殿瞻威顏歸鞍未解疾遽作寒氣束縛形骸跼夜夢青衣捧玉盤琉璃十顆傳靈丹欣然投齒咀三四若飲沆瀣生脩翰精神頓覺枕上醒五鼓未送蟾光殘明朝眎事若平昔僚吏爭賀詢其端真仙垂祐必終始凡骨豈易當珍九便思勇決謝塵網往跨皓鶴參翔鸞吟詩賣藥同至樂安用包羞拘一官

芳草渡

落日渡頭芳草碧傷如之何送行客客行無盡草相
隨塞北江南同一色秋霜野燒年年事綠芽迸地先
春力芳草多情不變常行人自去無消息

我歸矣

我歸矣江之南一蓑一釣桃花潭桃花潭水深千丈
李白金鱗尾尾密如蠶得魚輒笑放魚去我不貪餌尔
何貪移船就月還一飲天爲方床月爲枕水紅芙蓉
爛雲錦醉則縱橫看花寢看花寢如之何向來憂患
付煙波

青山集卷第六

青山集卷第七

當塗郭

祥正字功父

長句古詩三十四首

卧龍山泉上茗酌呈太守陳元興

君不見歐陽公在琅琊釀泉爲酒飲輒醉自号醉翁
樂無涯醉來落筆驅龍蛇電電萬里轟雷車濃陰却
掃吐朝日草木妍媚春爭華斯人往矣道將喪雖遇
絕景誰能誇又不見卧龍山下一泓水源接銀河甘
且美惜哉無名人不聞唯有寒雲弄清泚君携天上
小團月來就斯泉烹一啜不覺兩腋習習清風生便

欲飛歸紫金闕挽君且住君少留人生難得名山遊
汲泉滌硯請君發佳唱鏗金戛玉搖商秋斯泉便與
釀泉比泉價詩名無表裏自愧學詩三十年縮手袖
間鷲血指君如歐陽公我非蘇與梅但能泉上伴君
飲高詠閣筆無由陪明年茶熟君應去愁對蒼崖詠
佳句

酬運判毛正仲

明公青霄我平地才不超群懷厚媿小邦苟祿度殘
年側望車塵掩坻瀉海浪翻雲古渡頭感公爲我須
吏留請說相逢在何處上下梅山成昨遊忽得新詩

鷲老格飄飄真是金門客蹇驢已困何由攀一夜微
吟添鬢白

奉和運判吳翼道留題石室

雙峽天開控江水水自牂牁來萬里端州正在雙峽
間石室嵩臺壓孤壘誰傾北斗酌明河化作七山平
地起脩蘿高張翠羽蓋錦壁深藏赤鳳髓鳴禽交應
杵曰聲馴鹿見人行復止一洞能容百兩車三溪却
接滄溟底仰瞻圓頂碧玲瓏傍穿小竇陰迤邐不應
融結施鑄鏡浪磅乳滴何年始森然物象難悉名古
圖脫落猶堪比老龜闔首龍縮角猛虎磨牙鯨卷尾又

如壯士披肺肝戴主之忠死無已蒼崖題字多唐人
髣髴銀鈎唯二李邑紳山祇不放雲霧開海神屢汲
蟾光洗歐陽古錄遺此碑我漬香媒傳以紙寂寥相
望三百年乃有高才繼瑰瑋滁陽吳公富文采來擁
皇華宣使指霜威暫霽齊持謙尊許接清遊携酒醴長
絲千結盤彫梅簌簌并刀膾頰鯉尋仙未遇飲正豪
落日嵐煙催返軌明朝大句揮長篇曼玉鏘金轟兩
耳百靈持護歸羊城論價欲酬誰可擬蔣公毛公並
詩伯筆陣酣戰秋風裏越臺朱明被題遍鵠奔此洞
重新羨沈侯湘寺陪俊遊韓子連山書宴喜勝槩遂

令天下知名齊五嶽無由毀自怜羽翮久零落只欲
卑飛藏棘枳漫將俚語續公歌投老那知遇知己

奉和廣帥蔣穎叔留題石室

西江赴海穿雙峽十里寒青半天插晴空倒影連明
河滔滔不礙鯨魚呷絞綃高覆紫微冠翠簾平鋪玉
皇榻中藏石室與嵩臺巨壁稜層老鱗甲欲飛未去
鳳逶迤將蟄還伸龍匝匝浪搖蓬島何其危桂塞廣
寒無乃狹天匠不由基構成洞門大啓無人扃六月
來遊乃挾纈酌酒向口疑冰生三溪詰曲愈難涉舉
燭但愛煙溟溟返似霜練見山水畫手只許吳生是

有誰文采如昌黎物物爲我從頭記自慚才短空具
搜俚語未足蒼崖留元戎聞之索大筆默坐遠想書
勝遊憑凌風力若捕虎窟東景象如縛仇郝知子厚
号雅健不識謝守爲風流栢栢斯人富學海少陵重
生謫仙在淙瑋擊玉敲黃金倚馬千言未嘗改高才
豈必世俗知浩氣已充天壤內又如淮陰善將略不
戰能令敵先敗暫辭侍從來東南羊城異日爲傳巖
不唯巴牋吟詠足即看玉牒功名鏡滁陽吳公昔曾
賦落落文華精注措毛侯亦許送和章馬上橫戈寫
長句孰云高要陋且遐三篇入石神鬼嗟願揮硬畫

奪劔戟下視鳥跡初遺沙此心雖大慮轉小刻就頗
憂龍作虵譬之博奕仲尼與群兒惡用相識譁端溪
石工古稱妙年年琢硯供正衙剛刀截碑易於硯龜
螭相射生彤霞峴山石鼓久缺矣苦縣光和真瘦耶
流傳萬本入中國誰憐此樂瘴水涯共探泉石造淡
漠豈憶冠蓋追榮華公思歸乎欲致主四方飄泊予
爲家子意無留亦無去等將幻質隨楊花

奉和梧守蔡希遠留題石室

疊石稜層萬尋碧老仙自作琉璃宅脩然一徑出人
窠北斗三台無咫尺大巖杳杳吞滄溟小竇踈踈吐

朝日芙蓉冪瀝乳成花鱗鱗摧頽龍蛻骨危絃脆管
遞仙颯爛錦輕綃變雲物二李能書玉鈕懸僭銀未
是真王質人亡國變今幾年唯有文章記齒萃勝遊
况遇中郎孫詩擬杜陵相髣髴洪河噴作三門流突
騎長驅五千匹令人驚嗟但縮手近世雄豪無此筆
不唯險韻難追攀學道輸君先得一

奉和蔡希蘧鵠奔亭留別

欄干去天無一赤簾外三山蘸天碧樽傾濁酒延故
人拂拂輕寒添暮色雙鵠飛奔迹已陳滿庭細草自
涵春孤城不復有冤氣法座垂衣逢聖神惟君萬里

分符去蒼梧之邦舜遊處九疑七澤皆相連墨海濡
毫寫長句又如李白才清新無數篇章思不群挺特
千松霜後見孤高一笛隴頭聞我於詩學非無意黃
蘆不並琅玕翠漫甘薄祿養殘年兩鬢垂絲成底事
聲出還吞淚如雨同氣相求別離苦老來頻寄一行
書江邊魚雁無今古

南安劉太守席上勸曾叔達酒

金盞莫辭瓊液滿寶檠休嫌燈焰短圓荷翻雨碧雲
香小妓近人紅玉暖百年流轉能幾時一日相逢須
款款扁舟明發下前灘此會清吟應亦罕

勸君歸示南康太守吳子正

勸君歸腰下懸金祿及兒家有良田秣稻肥種菓結
實粟與黎江山滿目煙雲披長年之樂吾無羈何須
七十乃言歸行將七十能幾時分符持節力已疲才
德及人固無盡此身抱病欲何爲

櫛溪重九阻風戲呈同行黎東美

不登高不飲酒漠漠黃沙翳衰柳扁舟繫纜未敢行
江頭白浪蛟龍吼故園菊花應爛漫客路無窮但搔
首却憶齊山小杜歌人世難逢笑開口

左蠡亭重九夕同東美翫月勸酒

平生看月無今宵一亭危在山之椒下瞰揚瀾連左
蠡白琉璃地覆鮫綃欲披錦袍槌鼓過世無賀老誰
相和屈原憔悴湘水濱夷齊自守西山餓且來登高
望明月拂拂霜風濯煩熱身心都在清涼宮一點無
塵光皎潔與君同遊執君手况逢令節當重九不憂
短髮還吹帽頭上有巾先漉酒飲醇酒望明月我歸
姑熟溪君赴黃金闕明年此會知誰健細看茱萸莫
輕別

將遊五峯度夏代別倪倅敦復

六月執熱思雲泉五峯參差如紺蓮脩松桀柏上參

天老鶴棲唳哀猿懸常娥夜濯清冷淵巖戶晃白飛
群仙胡不往矣逃塵緣散髮赤脚臨風前高軒朱衣
君自便去住彼此遙相憐

和守訥上人五峯見寄之作

木杯足躡浮鷲湍却愛五峯如戲鸞一錫飛來卓出
蒼玉髓又有黃金百鎰藏蒲團道人得道每如此倏
來忽往非生死叢林成就八百年香厨日供三千指
訥師今亦浮杯徒問荅言詞瀉秋水脫去儒冠披壞
衣一生長在名山裏躬勤笑我騎鯨魚詩狂酒恠何
時已七言哦罷欲無言坐看峯頭片雲起

送上饒道士吳師韓復遊淮西

水精之仙降人間身披羽衣日澄瀾或求福禍語必
驗手中開闔陰陽關淮西太守喜賓客鶴駕却欲乘
風還勸君飲酒莫言術龍虎收藏歸抱一

重九日同脩顯惠雲二禪師遊浮山訪洪璉長老

邑城東南百餘里穿盡荒山渡重水林傾路轉大壑
開峭壁崔嵬半空倚上無勾連下無根鑄鏡難成畫
難比回環巖竇碧玲瓏月華吞吐湖光洗石鼓書鳴
雲雨垂金雞夜闔龍虵起戒公說法已千年事載龜

跌尚新美嗟予平生慕佛學空洞忘機造玄理暫來
福地神愈清況接高禪揮塵尾晉顓悟道天下師雲
璉聲名自予始精藍際會付三人淨衆如歸聞法喜
今朝更結名山遊寶閣珠樓同踐履達了無生無不
生一聲猿嘯清風裏

龍眠行留別脩顓禪師

桐鄉山水天下名龍眠氣勢如長城重岡複嶺跨三
郡磐壓厚地攢青冥東南佛寺号投子寺門洞啓元
無扃雪峯三來道方契鑿井百尺穿重冰至今善利
永不泯轆轤夜轉聞寒聲慈濟玄談載金刻龜趺鱗

甲光熒熒誰憂恠變碎以斧半落崖下莓苔青時移
歲晚人事塞高座竊据非真僧白雲徒侶半凋落泉
石往往荒柴荆我來杖屨眼除眯顓自壽至人天迎
隨車貝葉五千卷寶藏突兀同時成張翁好施古亦
少助我福地還中興老禪呪龍未三日泉發石上吁
可驚晨厨千僧用無盡琅玕引溜何泠泠城中客少
民事簡屢携茗酌來煎烹叩師玄關問至理心地拂
拭菱花明妙峯勝會豈殊此迷即成凡隨死生明朝
官滿重回首別師寫作龍眠行

留別金陵府尹黃安中尚書

扁舟載月入金陵金陵尚書倒屣迎白髮愧被南山
皓青眼欣逢阮步兵開壺傾酒飲未已卷紙連書吟
不停願如賀監憐太白莫作曹公嗔禰衡

奉和安中尚書同漕憲登長干塔

攬衣登塔窺沈寥黃金篆牌神所標層梯轉道二千
赤鈴索交響風常飄天厨曉送阿育供海月夜領飛
仙朝南溟安在心欲化九萬一舉期今朝一我宋真
人啓闔闔堯舜之運重昭昭佛老并儒鼎足盛理歸
一善無煩條淨緣勝賞固莫逆足力強健朋儕要昌
黎首唱城南句東野繼作芬蘭椒諸公筆力闢穎發

七言紙上鏗琨瑤聚沙疊甃付童子秀實始自春之
苗凌空得路未足恃遇險驚魂安可招龍虎低沉鳳
鳥散藉此彈壓無侵妖四郊松栢列兵衛萬家絃管
均咸韶廣莊黔烏類蟻蠓歲望已覺元鼎調晴川踈
樹歷陽近浮雲蔽日長安遙貫輪巨木徹十地斜飛
八角穿重霄扶持故國肖父老綜領諸刹如孩髫循
欄作禮共悲仰絕頂進步誰騰超迹雖有爲志頗壯
報且不盡功何遼揮豪題識未云畢城頭暮角聲迢
迢堯綿鋪舒換塵境寶燈照耀銀爲橋乃知此會世
稀有請君審聽長干謠

即席和酬金陵狄倅伯通

虎踞龍盤古名郡勢欲凌波予未信偶搖雙槳下天
門白鷺三山隨一瞬捨舟登岸青溪濱蒙蒙柳眼初含
春感君携酒喚小妾要我一飲頽冠巾開懷猛酌寧
碎醉明朝且入梁朝寺刀裁赤量非扇迷興來欲跨
橫空使南風更送琳琅篇明珠十斛投歸船與君定
交增浩然誰謂此行垂橐還

治水謠

去年圩破官不救闕食逋云十八九今年大水如去
年民困適遭何令賢賢哉何令能治水槍去聲木編蘆

多准擬賞罰公平貧富均赤脚親臨食云匕每趨危
墊必身先往復連宵幾百里浪頭作惡工莫施一拜
能令二龍起白龍先去黑龍隨鱗鬣分明皆見之須
吏浪定埂可禦父老驚嗟咸涕洟西門投巫安足比
亦勝乘輿濟溱洧活我生靈十萬家惠澤陰功浹神
理天子臨軒方用才時時有詔搜草萊請歌何令能
治水願採斯言獻天子

遊陵陽謁王左丞代先書寄獻和父

布衣射策趨蓬萊十年得志聯三台懷仁附義天下
悅忠言屢叩宸聰回不唯盡赦息錢息曾均惠澤覃枯

骸先皇晏駕舊臣老白雲黃鶴空徘徊藩城六見換
符節直道自任寧嫵猜昭亭扶春入畫戟句溪洗月
供吟盃佳賓三千集珠履赤子十萬登熙臺玄暉比
公固不足我攀太白慚非才披雲拂霧一何晚泥滑
不敢鞭駑駘明朝迤邐造賓榻願逢浩氣吹寒灰玉
上青蠅本無有都人爭望公歸來至尊夢吉
天顏開

謝王左丞惠冰酒十五斗

昨夕發姑熟今朝泊訶亭輕雲淡日天地暖杏花吐
萼梅飄零春光一瞬豈足賞聽公亶亶高談傾昔年

庭爭動丹陛君臣道合趨昇平巖廊辭位已十載氣
度杳杳涵滄溟公田種秫作新酒槐槽旋注琉璃瓶
不將歌舞効俗飲時時一酌羞獨醒感公贈我十五
斗酒量安得如劉伶願公歸去廟堂上盡使斯民醉
醇釀

題橫山陶弘景書堂寺

先生燒丹騎竹馬肯戀蕭公碧城下故物無餘只五
泉亦有松風伴蕭洒誰來洗耳復洗心寥寥千載聞
遺音寺門不掩象燈暗猿隔數峯時一吟

代先書寄廬帥朱龍圖 行中

揚花塞路春無聲鳴鳩喚婦留春晴揚鞭朝發浚洹
縣卷簾暮宿金斗城城中主人漢賈誼妙年射策都
群英莪冠獨立御史府冰霜凜凜清朝廷堯乘白雲
渡銀海十年望關心常傾只今淮西課異等沉沉玉
帳閑府兵神機照物辨毫髮提刀四顧新發矸行聞
召節返西掖至尊開閣思談經豈容燕寢自頤養畫
戟森衛清香凝陳公雖解豫章榻白頭重愧非徐生
飄零漁艇荷蓑笠揣摩舊學荒柴荆願公一吐太和
氣朽株巖下逢春榮

合肥李天貺朝請招鍾離公序中散吳淵

卿長官泊予同飲家園懷踈閣

一閣橫空連野水久客歸來洗雙耳二踈雖解散黃
金家園未必臨清泚坐見紛紛煙雨入千里瀟湘畫
圖濕魚鳥相忘蒲荇深兩岸桃花為春泣鍾離辭榮
已三品吳令早休今八十我亦棄官姑熟閑邂逅相
過手重執閣前旋解青板舩呼童移擢選清淵四人
白髮笑且飲岸人疑是商山仙亦如賀監在東吳醉
下山陰弄鏡湖月色蓮香迷近遠且要李白騎鯨魚
古人今人樂如此出處無瑕傲生死君不見功成不
退人重着藍衫脫金紫

麗人曲贈鍾離中散侍姬

髮如盤鴟面如玉飄飄羅袖長芬馥妙年得侍碧虛
卿自道一生心已足黃鸝流語春日長綠窻繡出金
鴛鴦朝暮祝卿千萬壽不識相思能斷腸

中書舍人陳公元輿以詩送吾兒鼎赴尉

慎邑卒章見及遂次元韻和荅

嚼君老句勝牛乳又如早稼濛甘雨龍眠一別魚鴈
稀幾度看雲與雲語鳳池搖筆贊帝齡珠璣洒落黃
金城臯端去聖鬼膽破霹靂車轉車風雨驚事君以道
非難易不羨昔人囊有智柏梁屹屹漢庭材寶鼎顯

顛周廟器我在江湖寄此身碧蘆青荇遠黃塵感君
問我尚安否病樹前頭萬木春強汎月船追李白無
人愛客似田文

次韻和元輿待制後浦宴集三首

往歲遭風洞庭浦悔不携鋤從老圃昨日金城逢故
人萬丈虹蜺思一吐更在芙蓉池上遊桂枝爲檝木
蘭舟舞妓相將擢歌去疑是西施浣紗處皓腕翩翩
雪藕絲宛若游龍或驚鷺願公對客少留連早晚沙
堤問歸路

欲飛大白嫌秋暑約我留連菊花圃

公詩有挿盡黃
花君上路之句插

芳持酒聽君吟冰絲軋軋吳蠶吐只今且挈茗盃遊
滄浪同泛採蓮舟君當復入玉堂去爲我還思採蓮
處葉間爭看戲鴛鴦花底誰曾愛鷗鷺柳州煙島自
迷人真嶠方壺豈無路

誰爲宓妃尋洛浦且看芙蓉照秋圃爛熳折隨羅袖
歸芬香忍對西風吐官池不屬野人遊畫鼓喧喧駕
鷁舟賓從欣陪史君去筵開正在紅雲處謂之花島獨携
棹筆發清唱老鶴昂藏映雞鶩敢辭倒載委籃輿絳
臘行行音夾城路

醉歌謝太平李倅自明除夜惠酒

一年醉三百六十日今朝年盡酒未盡自顧形骸無
得失浮生七十行六十猛飲狂歌須汲汲吾邦倅貳
李自明愛我頽然荷蓑笠雙壺滿送瓊瑤漿春氣爭
從四支入君不見劉項存亡安在哉暫時龍虎轟風
雷素盞說行晁錯戮躡蹤刺客橫刀來又云舜野死
堯幽囚九疑連延雲霧愁不如飲酒醒復醉抱甕
負鍤渠無仇滄海化爲酒蓬萊作糟丘與君携手去
赤脚踏黿頭

同蔣穎叔林和中秋遊鬱孤臺

匹馬初從瘴嶺來登臨喜上鬱孤臺鬱然而孤插天

半亂山却出晴雲堆雙溪倒流玉綃颭萬屋蘸碧長
城開捫參歷井豈足數俯欄引手持斗魁月空銀浪
試一酌坐憂桂樹生黃埃妙娥舞袖回白雪琵琶十
面轟春雷吟牋分軸造險語酒令行賞無停盃哀猿
不斷片帆沒歸鳥自送殘陽頽脫身我作耕釣客兩
翁均是巖廊材共遊絕境發佳唱驪珠射日精光皚
升沉從此遂分手願借惠澤蘇蒿萊

贈南康劉叔和秀才

俊才落落如君少養之九年應大妙滿懷騷雅輒見
投圭璧琮璜予所要勸君且學充其科殿前筆陣揮

長戈錦標奪取獻天子寵祿及親榮耀多

姑蘇行送胡唐日奉議入幕

登姑蘇望五湖范蠡扁舟竟何在吳王宮殿惟荒墟
民貪吏狡郡多事煮鹽爲盜無完膚使君誰何好平
恕寬則脂韋猛則虎只今卧治聞黃公更得高才歸
幕府願令里巷歌召南風化流行成樂土昔年引對
大明殿國論軒軒動人主往持使節臨朔方威霽秋
霜愛春雨玉上青蠅誰強指臯端有望寧傷芥升沉
偶爾非吾嗟不用東方且爲鼠豈聞絕代無佳人何
必西施妙歌舞盛傾綠酒鱸肥鱸承認還從大梁去

嵩山歸送劉伯壽秘監

松荒菊老嵩山秋翁將歸兮邀難留幅巾短袖騎黃
牛翛然自作山中遊山中遊誰與伴兩姬窈窕吹牙
管千崑萬壑鸞鳳吟常娥側耳冰輪欸五音和暢王
道成不是愁康廣陵散問公此曲誰爲之曲曲新翻
公自爲古人今人不到處能與陰陽四序相推移我
知公心通造物豈止人間妙音律天子呼來換舊章
樂成四十有五日奏之明堂奉 祖宗天地清明
和氣溢 至尊寵賜腰橫金自謂榮華非本心再
拜辭魏闕揚鞭歸故林故林在嵩山白雲幽徑深濯

我衣上塵重瀉山水音只應王子晉跨鶴每相尋

青山集卷第七